

Q V Æ T I O M E D I C A .

Quodlibetariis disputationibus manè discutienda in Scholis Medicorum, die Jovis 18. Novembris.

M. RAPHAËLE MAURIN, Doctore Medico, Præfide.

An Cortex Peruvianus febrium accessionem discutiat attenuando?

VARIÏ & impuri in corpore nostro stagnant humores, qui sensim pravâ visceris alicujus diathesi cumlati, in imis corporum visceribus delitescent, donec aliquâ causâ externâ aut internâ perciti suscitentur. Diversæ insunt illis qualitates. Bilio calidam & siccam, pituitosi frigidam & humidam obtinent temperiem, melancholici frigidam & siccam. Suas habent periodos suasque exacerbationes, quæ sæpè certo ordine recurrunt, aliquandò sine typo ægrotantes invadunt. Nunc æstuante cælo alget æger, interdum ambiente frigidissimo exandescit. Tot mutationum causâ contentus extra majora vasa humor exiit, qui pro ingenitâ propriâque naturâ motus, vel quantitate aut qualitate peccans, functiones naturæ depravat aut intercept. Spiritus penes quem est in humores dominium, & cujus beneficio coctiones absolvuntur, latitantem in foco pravum humorem lacescit, atque cum copiosus est & firmus, hostem fortiter impetit, debellat. Alibi ubi languet & flaccescit, tunc humor naturâ gravis atque insensus, insurgit ferocius quoquoque, præcepitque ruit quâ data porta. Interim spiritus partibus exterioribus derelictis internas occupât, cum tetro illo humore dimicat, quem paulatim attenuando resolvit, forasque protrudit. Sed cum tantam humoris copiam natura nequeat evincere, ars subsidio venit, præcaveatque semper ne lateat doloso cineri ignis suppositus, extincta enim parum fideliter incendia majori flammâ reviviscunt.

PAROXYSMUS qui eodem tempore, certâque periodo singulis alternisve diebus, aut duobus interjectis recurrit, contumacem, diuturnumque morbum significat. Humor qui cum profert, compactæ substantiæ, aliâque incuneatus est. Febris præsertim Quartanæ author, limus & fæx sanguinis, talis est. Substantiæ enim terrestris cum sit, partibusque constet sibi coherentibus, lentus moratur, longoque motus intervallo, ægrè dumtaxat dissolvi potest. Bilis quæ tenuis est, etsi sicca involvatur substantiâ, levi motu se expedit, alternis diebus naturam adoritur, citius movetur, quàm succus melancholicus. Pituita promptius exagitur, cujus molles partes faciliè divisæ secerantur. Interim ab ejusmodi febrilibus succis, cum intus collecti fermentescunt, spirituum motum tantisper sisti, frigus invehi, illorum acredine, membranis quæ invicem compatiuntur, lacescitis, horrorem incuti, ac tandem expanso calore, accessionis solutionem sudore, aut dejectione biliosâ criseos æmulâ, vel insensili transpiratione sequi vides.

SED vis de gradu dejici febrem cum iniquo apparatu præsto sit, nec tamen intempestivè sumendus cortex Peruvianus. Is calidus & siccus, insigni partium tenuitate gaudet. Ab amore primarum qualitatum sobole, roborandi virtutis compos est, quo nomine ventriculum in primis juvat, ac hepar, cujus adyta sibi. Senibus ne dicam, aut caustis, sed omni ætati tamquam conveniens medicina laudatur, quoties vexat febris præsertim interpolata. Attamen vorax est, quid tum, si cibum jubes interponi? Tunc enim in alimento optimum erit medicamentum, quod chylo sanguinique ipsi mox permixtum, nullibique non penetrans frigidum humorem foco coërcitum incidit, quicquid majoribus vasibus vel mulculis superest, protergit, lentum, viscidum, concretum comminuit, qui tenuis factus abit in auras vel in sudores solvit, maximo naturæ laborantis commodo.

DUM hæc præstat liber febrifugus, cave ab eo humorem figi, porosve constipari putes. Calida ex se succorum crassitiem comminuunt, nec usquam compingere nata sunt, adeoque si quod tenuius est, exhalat, quidquid etiam superest, aut residere possit, loco moveri cogitur, quoties adjuncti caloris ope illud idem *Quæritur*? Nullus itaque vasorum osculis infarctus humor relinquitur, aliâs obdurefcens diuturnitatem, quidni & schirrum afferret innocens cortex. Tantum abest, faciles redditi atque velut è suis, quibus adhærescebant mordicis, cuniculis evocati humores, medicamenti motum sequuntur. Hac in re ars antecellit, quæ sic collapsas ægrotantis vires erigit, eoque tutius morbum fugat, quò sedulus naturæ imitator Medicus, humorem quò vergit, ducere, ac quomodo decet, tempora magis captare novit, ut ille per convenientes locos secedat.

FEBRES quæ intermittunt, & statis periodis sæviunt, periculo vacant, quæ sine intermissione torquentur cum rigore aut horrore, periculi plenæ, maxime si fiant comatosæ. Immo licet illarum vigor plenam excipiat *anopsiam*, si tamen veterino, admixtisve depravatis motibus convulsivis ægri capiuntur, penè conclamatum esse aliquis diceret, nisi cum horror rigore febrem præcesserit, obviâ eas adhibito Peruviano pulvere. Ægris optimè consuletur, si catharsis, si venæ sectio præmissæ fuerint. Attamen illa, seu solitaria, seu maceratis unâ cortice atque catharticis, forsan seipsâ major, feret omne punctum, quoties ex intervallis, dum propinatur, vino vel aquis infusa Kinakina, crassamento eluendo adhibebitur: sic enim hinc deleto prorsus igne, & inde sublati radicibus morbi crassioribus reliquis pristina sanitati ægrotum restitui videas procul ab omni recursum discriminem.

Ergo Cortex Peruvianus febrium accessionem discutiat attenuando.

DOMINI DOCTORES DISPUTATURI.

M. Franciscus le Rat.

M. Ludovicus Labbé.

M. Andreas Enguehard.

M. Franciscus Girard.

M. Josephus Bomasseau.

M. Ludovicus Poirier.

M. Joannes Garbe.

M. Paulus Courtois.

M. Guillelmus Perier.

Proponebat Parisiis MICHAEL PICHONNAT, Stenpanus, Baccalaureus Medicus. A. R. S. H. 1683.